



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N_47

Տուգանք նշանակելու մասին

15.03.2023թ.

ք. Երևան

Քննելով տեսչական մարմնի կողմից 2023թ. փետրվարի 17-ի N 122-Ա հրամանով

«ՀՈՒՍԱԼԻ ԳՈՐԾԸՆԿԵՐ» ՍՊԸ-ում /ՀՎՀՀ՝ 04236749/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 122-Ա կազմված 10.03.2023թ., խախտումների մասին 28.02.2023թ. արձանագրությունը և այլ նյութերը), որոնցով բացահայտվել է որ՝

ՍՊԸ-ն զբաղվում է երեխաների և դեռահասների, կենցաղային և սանիտարահիգիենիկ նշանակության թղթե և քիմիական թելքերից, օծանելիքակոսմետիկական և մակերևութաակտիվ միջոցների և մակերևութաակտիվ նյութեր պարունակող լվացող ու մաքրող միջոցների ներմուծմամբ և մանրածախ վաճառքով ք. Երևան Արտաշեսյան 106/1 (պահեստ) հասցեում:

Ստուգումն իրականացվել է «Երեխաների և դեռահասների համար նախատեսված արտադրանքի անվտանգության ստուգման վերաբերյալ», «Կենցաղային և սանիտարահիգիենիկ նշանակության թղթե և քիմիական թելքերից ապրանքների ստուգման վերաբերյալ», «Օծանելիքակոսմետիկական արտադրանքի անվտանգության ստուգման վերաբերյալ», «Մակերևութաակտիվ միջոցների և մակերեվութաակտիվ նյութեր պարունակող լվացող ու մաքրող միջոցների ստուգման վերաբերյալ» ստուգաթերթերի հիման վրա:

Ստուգման արդյունքում պարզվել է, որ 2020 թվականից մինչև 2022 թվականը ներմուծված ապրանքների ողջ տեսականին իրացվել է առանց համապատասխանության գնահատման փաստաթղթերի:

Փաստացի խախտվել է «Տեխնիկական կանոնակարգման մասին» Մաքսային միության տեխնիկական կանոնակարգի 4-րդ հոդվածի 1-ին կետի, Մաքսային միության 23.09.2011թ. N 797 որոշմամբ հաստատված «Երեխաների և դեռահասների համար նախատեսված արտադրանքների անվտանգության մասին» (ՄՄ ՏԿ 007/2011) Մաքսային միության տեխնիկական կանոնակարգի 3-րդ հոդվածի 1-ին կետի, ՀՀ կառավարության 19.10.2006 թվականի «Կենցաղային և սանիտարահիգիենիկ նշանակության թղթե և քիմիական

թելքերից ապրանքներին ներկայացվող պահանջների տեխնիկական կանոնակարգը հաստատելու մասին» N 1546-Ն որոշման 6-րդ կետի, ՀՀ կառավարության 16.12.2004թ. «Մակերևութաակտիվ միջոցների և մակերևութաակտիվ նյութեր պարունակող լվացող ու մաքրող միջոցների տեխնիկական կանոնակարգը հաստատելու մասին» N 1795-Ն որոշման 7-րդ կետի պահանջները:

Նշված իրավախախտման համար պատասխանատու է՝

Հարություն Միհրանի Հակոբյանը

իրավախախտողի անունը, հայրանուն, ազգանունը

ՀՀ Արարատի մարզ, գ. Վերին Արտաշատ, Արարատյան փ., 74 տուն

մշտական բնակավայրը և հասցեն

Իրավախախտում կատարած անձը «Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն պատշաճ ծանուցվել է ՀՀ Շուկայի վերահսկողության տեսչական մարմնում 15.03.2023թ.-ին ժամը 11:00-ին կայանալիք վարչական գործի քննության տեղի, օրվա, ժամանակի մասին, սակայն չի ներկայացել և գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Հարություն Միհրանի Հակոբյանին և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 2-րդ մասով նախատեսված պատասխանատվության միջոցը՝ սահմանել տուգանք 160 000 /մեկ հարյուր վաթսուն հազար/ ՀՀ դրամի չափով:

2. Տուգանքի գումարը պետք է վճարվի Պետական բյուջե 900005024014 հ/հ-ին:

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ